


Khosana ea Khotso



SABATHA THAPAMA

Bakeng sa Thuto ea Beke ena Bala:

Esa. 9:1–5; Esa. 9:6, 7; Esa.9:8–10:34; Esa.11; Esa. 12:1–6.

Temana ea Khopolo:

“Hobane re tsoaletsoe ngoana, re neiloe mora; borena bo beiloe lehetleng la hae, ’me o tla bitsoa Moeletsi ea makatsang, Molimo o matla, Ra-bo-sa-feleng, Morena oa khotso” (Esaia 9:6).

Dr. Robert Oppenheimer, ea neng a tsamaisa tlhahiso ea pele ea bomo (atomic bomb), o ile a hlaha ka pele ho komiti [United States]. Ba ne ba mo botsa hore na ho na le litšireletso malebana le sebetsa seo. ‘Ho joalo,’ ho araba matoetoe enoa oa setsibi. “Me sona ke—” “Dr. Oppenheimer a sheba letšoele le neng le mametse ka khutso eohle eaba o re ka bonolo: ‘Khotso.’” —Pokello ke ea Paul Lee Tan, *Encyclopedia of 7,700 Illustrations: Signs of the Times* (Rockville, Md.: Assurance Publishers, 1985), p. 989. Khotso ke e ’ngoe ea litoro tse thata bakeng sa moloko oa batho. Ho hakanngoa hore e sa le ho tloha moo nalane e neng e bolokoa lefatšeng le kile la ba khotsong fela ka linoko tse robeli lekholong tsa nako ea lona. Ka lilemo tsena, ke bonyane litumellano ke bang likete tse robeli tse seng li robiloe (Paul Lee Tan, p. 987). Lilemo tse mashome a mahlano tse fetileng e sa le ka mora ntoa ea pele ea lefatše, e neng e reretsoe hore e tla ba ntoa e qetellang lintoa tsohle, ho bile le metsotso e ’meli fela ea khotso bakeng sa selemo ka seng sa ntoa. Ka 1895 Alfred Nobel, moqapo oa seqhomane se bitsoang dynamite, o ile a fana letloleng bakeng sa ho theha mpho bakeng sa batho ka bo mong ba kenyang letsoho le toma kabong ea khotso (Paul Lee Tan, p. 988). Lilemong tsa morao, leha ho le joalo, le bahapi ba khau ea khotso ea Nobel Peace Prize ba nkile karolo khohlanong ea lintoa. Bekeng ena, re tlo bala ka a le mong fela ea ka tlisang khotso ea ’nete ea ka ho-sa-feleng.

**Ithute Thuto ea Beke ena ho lokisetsa Sabathasa la 30, Pherekhong.*

Qetello ea Masoabi Galelea (Esa. 9:1–5)

Hobaneng ha Esaia 9:1 e qala ka lentsoe (Emp/Leha ho le joalo) seo se bontša khanyetso ho se tšileng pele?

Esaia 8:21, 22 e hlalosa maemo a ho hloka tšepo a bao ba fetohelang ho borapeling ba bohata ho e-na leho Molimo: hohle moo ba shebang ba tla bona “tsieleho le lefifi le matsoalo a tšabehang, ’me se tla tebela botšong” (Esa. 8:22). Ka lehlakoreng le leng, ho tla fihla nako eo “lefifi le ke keng la ba teng ho ba leng matsoalong” (Esa. 9:1). Batho ba Galelea ba qolloa mona e ba tla fumana tlhohonolofatso ea “leseli le leholo” (Esa. 9:2). Sechaba se ngatafala se nyakalle hobane Molimo o tla “roba joko ea mohlorisi” (Esa. 9:4). Tikoloho ea leoatle la Galelea e bontšoa mona hobane e ne hara tikoloho tsa pele tsa Iseraele tsa ho hapuo. E le karabelo ho Akase ea ho thusetsa, Tiglathe-pilesere III o ile a nka Galileale libaka tse mose ho Jordane tsa Iseraele leboea, a nka ba bang ba batho ho ba makhoba, le ho fetolela libaka tseo ho ba liporofinse tsa Assiria (2 Marena 15:29). Joale, molaetsa oa Esaia ke hore sa pele se ileng sa hapuo, e tla ba sa pele sa ho bona topollo.

Ke mang eo Molimo a mo sebelisang ho lopolla sechaba sa hae? Esa. 9:6, 7.

Ke joang boporofeta ba Esaia 9:1–5 bo ileng ba phethahala? Matt. 4:12–25.

E se ka tšohanyetso, boseletsi ba Jesu bo sethathong bo ile ba ba tikolong ea Galelea, mo a ileng a fana ka tšepo le phatlalatsa litaba tse molemo tsa ’muso oa Molimo ka ho folisa sechaba, ho kenyeletsa ho lokolla ba litlamong tsa borapeli ba bohata (Matt. 4:24). Mona ke moo re bonang hantle mohlala oa ka moo Bibe e n kang liketsahalo tsa Testamente ea Khale le ho lisebelisa nakong ea Testamente e Ncha. Morena o koantse liketsahalong tsa mongoaha o mong le tsa mongoaha o mong, joalo ka ho Mattheu 24, ha Jesu a kopanya tšenyeho ea Jerusalema ka A.D. 70 le tšenyeho ea qetellong ea lefatše.

Ha e ba motho e mong a ka u botsa hore na Jesu o lokolotse ho eng, o ne o tla araba ka hore’ng? Ke bopaki bofe boo u ka fanang kabona malebana le matla a Krete bophelong ba hao?

Ngoana Bakeng sa Rōna (Esa. 9:6, 7)

Mona lekhetlo la boraro ho buuo a ka tsoalo e khethehileng bukeng ea Esaia, ka mora ho bua ka tsoalo ea Emmanuele le ea Mahere-shalale-hashe-base.

Ke eng e khethehileng ka ngoana ea fumanoang litemaneng tsee? Esaia 9:6, 7.

Hlokomela hore mopholosi enoa o na le mabitso a 'maloa a mo hlahosang ka litsela tse 'maloa. Mehlang ea khale pela Bochabela, Marena le melimo e ne e na le mabitso a mangata ho bontša boholo ba oona. Ke ea “makatsang,” hantle joalo ka lengeloi la Morena ha le itlhalosa ho ntate oa Samsone e le le “makatsang” (Baahl. 13:18; mothapo o tšoanang oa Se-Heberu) la nto nyolohela leholimong malakabeng a mollo oa sehlabelo sa aletare ea Manoa (Baahl. 13:20), ho supa ho iketsa sehlabelo lilemo tse fetang sekete ha morao. O bolelela e le Molimo (“Molimo o moholo”) le 'mopi oa ka-ho-sa-feleng (“Ra-bo-sa-feleng”; shebaLuka 3:38: “. . . oa Adama, oa Molimo,”). Ke morena oa leloko la Davida; 'muso oa hae oa khotso ke oa ka-ho-sa-feleng.

Ho fano e ka limelo tsena. Ke mang a le mong eo e ka bang ngoana eo? ShebaLuka 2:8–14.

Bang ba lekile ho mo hlahosa e le morena Hesekiase, empa tlhaloso e fetisa hole motho fela tjena. Ke motho a le mong fela ea kenang: Jesu Kreste, Mora oa Molimo le 'mopi (John 1:1–3, 14; Ba-Kol. 1:5–17; Ba-Kol. 2:9; Ba-Heb. 1:2), eo re mo tsoaletsoeng e le ho re pholosa le ho re fa khotso. O filoe matla ohle leholimong le lefatšeng, 'me o na le rōna kamehla eohle (Matt. 28:18–20). E ntse e le Molimo, hape bile motho ka linako tsohle, ea khonang ho re utloela bofokoling ba rōna (Ba-Heb. 4:15). “Re tsoaletsie ngoana” . . . ka ho-sa-feleng!

“Ha Kreste a tla lefatšeng la rōna, Satane o ne a se a le lefatšeng, 'me a leka mekhoha eohle ho ntšetsa tsela ea hae pele ho tloha sejelelong ho isa thoteng ea Lehata. Satane o ne a qositse Molimo ka ho batla boinehelo ba mangeloi, ha eeng Molimo a sa tsebe letho ka ho boinehelo, le hore eena e le Molimo a ke ke a intša sehlabelo bakeng sa ba bang. Ena e bile qoso eo Satane a ileng a e etsa khahlanong le Molimo leholimong; 'me ka mora hore e mobe a lelekoe leholimong, o ile a tsoela pele ho qosa Morena ka bosebeletsi ba khatello boo ka bo eena a ke keng a fana ka bona. Kreste o tlike lefatšeng ho thula liqoso tsa thetso, le ho senola Ntate.” —Ellen G. White, *Selected Messages*, bk. 1, pp. 406, 407.

Qotsulo ee e re bolella'ng ka semelo sa Molimo?

Lere la Khalefa ea Molimo (Esa. 9:8–10:34)

Karolo ena e hlalosa Esaia 9:1–5, e porofetang topollo matsoalong, batho ba tsielehileng ba neng ba behile tšepo ea bona borapeling ba bohata le ho fetoha liphofu tsa ho hloloa ka sesole le ho hlorigisa: “molamu oa mohlorisi oa sona, u li robile joalo ka ha u entse mohl’a Midiane” (Esa. 9:4).

Bala matšoenyeho a sechaba sa Molimo joalo ka ho boitšitsoe litemaneng tse kaholimo. Bapisa lithohako tse ho Levitike 26:14–39. Hobaneng Molimo a ile a otlala sechaba sa hae ka likhato ho e-na le kaofela hang fela? See se supa eng ka semelo le sepheo sa hae?

Ha e ne e ba Molimo o ne a batla ho timetsa sechaba sa hae, a ka be a fane ka sona ho Assiria hang fela. Empa o na le mamello, “ha a rate ha ba bang ba ka timela, empa o rata hore bohle ba finyelle pakong” (2 Pet. 3:9). Joalo mehlang ea “baahloli,” Molimo nehetse sechaba sa Juda le sa Iseraele ho ba le maipihlelo a tse ling tsa litla-morao tsa booafla ba bona e le hore ba utloisise seo ba se etsang le ho ba fa monyetla oa ho etsa khetho e molemo. Ha ba ne ba satalatsa melala bokhopong le ho thatafatsa lipelo tsa bona khahlanong le eena le maipiletso a hae oa a neng a a romela ka bahlanka ba hae, o ne hula tšireletso ea hae. Empa ba ne ba ntse ba tsoela pele ka bokoenihi. Taba ena e ’nile ea ipheta ho fihlela ho se na letho le ka etsoang ke Molimo.

Bala Esaia 9:8–10:2. Ke libe life tseo sechaba se leng molato oa tsona? Ke khahlanong le mang ba li entseng? Ke mang ea molato ho bona?

Seo re se bonang mona, joalo ka ha se bonoa ka hohle Bibeleng, ke bonnete ba khetho e lokolohileng. Molimo o entse batho ba lokolohile (O ne a lokela; ho seng joalo, ba ne ba ke ke ba mo rata ka lerato la ’nete), ’me tokoloho e kenyeletsa le khetho ea ho etsa hampe. Me nako le nako Molimo o batla ho senola lerato le semelo sa hae, hape o tla re lumella ho tobana le litholoana tsa khetho ea rōna e fosahetseng; ke hore, bohloko, tšabo, hlorigiso, joalo-joalo, fela ho re thusa ho hlokomela hore ho furalla Molimo ho isa ho kae. Empa le

Ke joang Molimo a sebelisitseng bohloko bophelong ba hao ho u khutlisa tseleng ea hao e fosahetseng? (Kapa mohlomong u ntse u sa thole molaetsa?)

Kutu le Lehlomela 'nga e le 'ngoe (Esa. 11)

“Lehlomela” le tsoang “kutung ea Jese” ke mang” ho Esaia 11:1? Shebahape Zak.3:8; Zak. 6:12.

Esaia 11:1 e nka papiso ea sefate se renngoeng ho 10:33, 34. “Kutu ea Jese” e supa borena ba leloko la Davida (mor’a Jese) bo tla lahlehela ke matla (Dan. 4:10–17, 20–26). Empa ho tla hlaha “lehlomela” ho tsoa hona “kutung” e lahliloeng; ke hore, ’musi oa leloko la Davida.

Hobaneng ’musi e mocha oa leloko la Davida hape a bitsoa “motso oa Jese” (Esa. 11:10)? See se etsa kelello ea eng? Tšen. 22:16.

Tlhaloso e kena fela hantle ho Jesu Kreste, eo e leng “kutu le setloholo sa Davida” (Tšen. 22:16). Kreste o tile ho tsoa lelokong la Davida (Luka 3:23–31), eo e neng e le setloholo sa Adama, eo e neng e le “mor’a Molimo” (Luka 3:38) ka tsela hore Kreste ke eena ea mo entseng (sheba John 1:1–3, 14). Ka hona, Kreste ke ntatamoholo oa Davida, e bile ke setloholo sa hae!

Ke ka litsela life tseo ’musi e mocha oa leloko la Davida a busetsang morao litla-morao tsa sebe le bokoenihi? Esaia 11.

O nahana le ho etsa ka tumellano le Morena, o ahlola ka toka, o otlala bakhopo, le ho tlisa khotso. Ha a nka taolo, Morena o tla khutlisetsa le ho kopanya Baleti ba tšepahalang a Iseraele le Juda (bapisa Esa. 10:20–22). Ho tla ba le borena bo matla bo kopaneng joalo ka mehleng ea Morena Davida, ea ileng a hlola Bafilista le lichaba tse ling. Empa ’musi e mocha o tla ba moholo ho Davida ka hore o tla tlisa khotso le tabeng ka bo eona: tse jang nama li tla lesa ho e-ja, ’me li tla hammoho le liphofu tsa tsona (Esa. 11:6–9).

Na Esaia 11 e bua fela ka ho tla lekhetlo la pele ha Kreste, kapa lekhetlo la bobeli, kapa bobeli? Sheba boporofeta ’me tšoaee litemana hore na li bua ka ho tla ho fe.

Ho Esaia 11, bobeli ho tla Jesu ho boletsoe e le setšoantšo se le seng. Lihokahantsoe hammoho, hobane ke likarolo tse peli tse ntho e le ’ngoe, joalo ka mahlakore a mabeli a letlapa. Morero oa topollo, hore o phethahale, o hloka ho tla makhetlo a mabeli: la pele, le seng le etsahetse; le la bobeli, e leng leo re le emetseng e le sehlohlolo sa tšepo ea Bakreste.

“U Ntšilisitse” (Esa. 12:1–6)

Esaia 12 ke pesaleme e khutšoanyane (pina) ea thoriso ho Molimo ka mohau oa hae le matla a matšelisano. Pesaleme e kenya molomong oa setho setho sa masala, bapisa tšepiso ea topollo ho ea Ba-Heberuho Exodaho tsoa Egepeta (shebaEsa. 11:16); e joalo ka pina ea Moshe le ba-Israele ha ba ne ba pholoso sa sesoleng sa Faro leoaleteng le lefubelu (sheba Exoda 15).

Bapisa pina ena e ho Esaia 12 ho ee ho Tšenolo 15:2–4, pina ea Moshe le Konyana. Bapisa Molimo bakeng sa eng?

Esaia 12:2 e tla haufi le ho hlakisa ho tla ha Jesu e le mopholosi. E bolela hore “Molimo ke poloko ea ka” le hore o fetohile “poloko ea ka”. Lebitso Jesu le bolela hore “Morena ke poloko ea ka” (bapisa Matt. 1:21).

Ke bohlokoa bofe ba khopolo ee, e fuperoeng ke lebitso la Jesu, eo Morena e leng poloko?

Ha se hore Morena o etsa poloko fela (Esa. 12:2); ka bo eena ke poloko. Boteng ba ea Halalalang oa Israele mahareng a rōna (Esa. 12:6) ke sohle ho rōna. Molimo o na le Rōna! Ha se fela hofe Jesu o ile a etsa mehlolo; He “o fetohile nama ’me a aha har’a rōna” (John 1:14). Ha se fela hore o jere libe tsa rōna sefapanong; e bile sebe sebakeng sa rōna (2 Ba-Kor. 5:21). Ha se fela hore o etsa khotso; Ke khotso ea rōna (Ba-Efe. 2:14).

Haho makatse hore e be “motso oa Jese o tla ema e le folaga ea lichaba” (Esa. 11:10). Ha a phahamisitsoe sefapanong, o hulela batho bohle ho eena (John 12:32, 33)! Baleti ba tla khutlela ho “Molimo o matla” (Esa. 10:21), eo e leng ngoana eo re mo tsoaletsoeng, “khosana ea khotso” (Esa. 9:6)!

Lula haholo tabeng ena ea hore Jesu ke poloko ea rōna. Bala Ba-Roma 3:24. E re poloko e ho Jesu; poloko ke ntho e etsaheng ho eena, ’me ke ka lereko le mohau oa Molimo moo re ka bang le karolo ea ka ho sa-feleng polokong eo. Ka mantsoe a mang, poloko eo e neng e le ho eena e ka ba ea rōna ka tumelo, e seng ka mesebetsi, hobane ha ho mesebetsi e molemo ho lekana ho ka re pholosa. Ke mesebetsi e entsoeng ke Krete fela, eo a re neang eona ka tumelo, e ka tlisang topollo. Ke joang ’nete ee e tlisang tšepo le tiisetso ea poloko, haholo ha u ikutloa o imetsoe ke ho ikutloa u se na tokelo?

Ho Ithuta Haholoanyane:

“Pelo ea ntat’a motho e labalanela mora oa hae. O sheba sefahleho sa ngoana oa hae, e be o thothometsoa ke khopolo ea kotsi ea bophelo. O labalabela ho sireletsa baratuoa ba hae matleng a Satane, ho mo sireletsa tekong le khohlanong. Ho teana le khohlano e befileng ho feta le kotsi e tšabehang ka ho fetisa, Molimo o fane ka Mor’a oona ea tsoetsoeng a inotši, hore tsela ea bophelo e tle e netefatsoe bakeng sa bana ba rōna. ‘Hona ke lerato.’ Makalang, lona maholimo! Le tšabe lona lefatše!” —Ellen G. White, *The Desire of Ages*, p. 49.

“Kreste ke eena ea ileng a lumela ho thulana le maemo a neng a hlokeha bakeng sa pholoho ea motho. Ho ne ho se lengeloi, le ha e le motho, ea neng a loketse mosebetsi o mokaalo. Eena fela Mor’a motho o ne a lokela ho phahamisoa; hobane ke fela semelo se fetisang sa tlhaho se ka etsang mosebetsi oa topollo. Kreste o ile a lumela ho ikhokahanya le baetsalibe ba sa tšepahaleng, ho nka karolo semelong sa motho, ho fana ka mali a hae, le ho etsa ho phela ha hae sehlabelo sa sebe. Mekhotleng a leholimo, molato oa motho o ile oa behoa sekaleng, bohale khahlanong le sebe ba lekanngoa, ’me Kreste a phatlalatsa qeto ea hae hore o tla jara boikarabello ba kopana le maemo ao e leng moo tšepo e tla phahamisetsoa moloko o oeleng.” —Ellen G. White, *The Signs of the Times*, Tlhakubele 5, 1896.

Lipotso tsa Puisano:

Joalo ka ha re bone ho Esaia 11, Morena o hlahisite ho tla ha Kreste ka makhetlo a mabeli setšoantšong se le seng. Sena se ka hlalosa bonyane, hore ke hobaneng ba bang ba ba-Juda ba sa ka ba amohela Jesu ho tlang ha hae lekhetlo la pele, hobane ba ne ba mo lebelletse hore a etse lintho fela tsa ho khutla lekhetlo la bobeli. See se re bolella eng ka hore na ho bohlokoa ha kae ho ba le kutlosiso e nepahetseng ka semelo sa ho khutla ha Kreste? Ke joang botoloki bo fosahetseng, ka mohlala, ba ho khutla la bobeli e le ho lokisetša batho thetso e kholo ea ho qetela ea Satane? (Sheba Ellen G. White, *The Great Controversy*, chapter 39.)

Kakaretso: Matsatsing a Esaia, eo lebitso la hae le bolelang “Poloko ke ea Jehova,” Molimo o ile a tšepisa Baleti ba hae poloko ho tsoa khatellong e neng tšile holima bona e le litholoana tsa bokoenihi. Boporofeta bona ba tšepo bo fumana phethahalo ea moshoelella ho Jesu, eo lebitso la hae le bolelang “Morena ke Poloko ea Rōna.”